



საქართველოს მეცნიერებათა ეროვნული აკადემია

ქართული ენციკლოპედიის ი. აბაშიძის სახელობის მთავარი სამეცნიერო რედაქცია

ელარის არქეოლოგიური ძეგლები

ელარის არქეოლოგიური ძეგლები, ბრინჯაოს ხანის არქეოლოგიურ ძეგლთა კომპლექსი, აღმოჩენილია ქ. ერევნის ჩრდილოეთით 18 კმ-ზე სოფ. ელარში. ამ ძეგლებიდან განსაკუთრებით საინტერესოა ადრინდ. ბრინჯაოს ხანის ნამოსახლარი და სამაროვანი. მიკვლეულია წრიული სახლები და სამეურნეო ორმოები, ტლანქად ნაგები ქვის სამარხები; აღმოჩენილია მტკვარ-არაქსის კულტურის ადრინდ. საფეხურისათვის დამახასიათებელი სადა კერამიკა და ბრინჯაოს სატევრისპირები. გათხრილია აგრეთვე 10 კრომლები (დიამეტრი 3×3,5 მ), ზოგი მათგანი – მიწაყრილიანი. ნაპოვნია რკინის ხანის ნივთები: რკინის სამაჯური, ბრინჯაოს ბუნიკი, შავპრიალა თიხის ჯამი, სარდიონის მძივები.

ლიტ.: К у ф т и н Б. А., Урартский «Колумбарий» у подошвы Арарата и Куро-Аракский энеолит, საქართველოს სახელმწ. მუზეუმის მოამბე», 1944, ტ. 13 В; М а р т и р о с я н А. А., Армения в эпоху бронзы и раннего железа, Ер., 1964; Ч у б и н и ш в и л и Т. Н., К древней истории Южного Кавказа, [ტ.] 1, Тბ., 1971.

თ. კიღურაძე
